

新野叟曝言

(四)

上海小說進步社印行

新野叟曝言 卷十一

禪伯變闍奴

于衆抄得元。則能心在腔裏。以兩端求竭。寧解齒爲骨餘。龜喪十朋。所以益神明之壽。虎無乙字。何須還牝牡之天。

衆謂化醇何以言之。卽誦侯書曰。

君往歲陞辭。曾以粵中滅火真人薦楚軍治妖。上命粵制使石公召真人來楚。石公屢奏真人玉音遐心者。于今三年矣。茲有峨嵋異僧號剛上人。赴粵行省。自陳得道。在滅火真人之前。願將袈裟半領。裹南伐之旄頭。錫杖一肩。擔左旋之斗柄。來我楚營。蕞斯苗事。石公奏請于朝。由粵星馳而至。吾念滅火真人。與君證夙因。闍內外之徒。靡不搔首延佇。謂宜翩來贊師。于而洗妖穢者。旣不可得。乃思其次。剛上人之智力。吾誠不能盡測。而管窺之。然白足請纓。其必有道。君盍與幕下士集謀以報。再副參謀。明化

醇爲剛上人之故人。亟思晤對。且請以其二姬來。別授破苗之術。吾聞明參謀蜀之迂士。其二姬皆苗女之英。凡爲國家立大功。誠不與鄉黨爭細行。無論君與吾皆典兵。不以楚材晉用而分畛域。卽明參謀受命行間。亦無得議其盡室以行。竊妻而逃者也。又二姬亦嘗爲剛上人弟子。非有唐突。且熟商焉。卽示行止。

言事多而詞甚少。有古札體。較近人所不可觀。解之筆也。

誦畢。聞者咄咄。樂般曰。一兄果有此方外交乎。則二姬之瓣香。亦易聞而知也。化醇曰。在我者固自知之。女子從師。未聞有命。乃呼鼈兒魔始出。並叩之。鼈兒曰。昔十歲時玩月。見一僧冉冉從月中下。跌坐前除。云自峨嵋山來者。欲度爲女徒。吾驚呼。父母持挺出擊。乃走去。豈卽此剛上人耶。魔始曰。吾在疆王帳中洗盥畢。對鏡。忽見鏡中有衲子微笑。廻視間已無有。就鏡問之。答云。岡刀和尚。囁嚅不已。適疆王至。衲影遂亡。明日復見。語予云。前身是我。髮徒。今化形相招。當呼師父也。吾唾之。影亦滅。夫前生師弟。詎可知之。半鏡顯

微。眞無著處。安得以爲口實乎。甘君曰。前此播種。今而生稊。剛上人誠與二
姬有衣鉢因矣。副參之結納。信有諸乎。化醇曰。始嘗入峨嵋山中結茅。演先
後天圖說。一丐僧半面爲虎所創。呻吟于床後。吾飼以飲食。兩月愈。再拜求
爲弟。吾憐而許之。此僧談入幽元。稍淪靈腑。問其號曰智鏐。一日忽不見。剛
上人寧卽智鏐。樂般曰。尙書注云。鏐剛鐵也。詎不信然。甘君遣化醇以二姬
往。及中途。值木蘭還營。謂化醇曰。副參此行。不能救二女徒之厄。吾見甘君
後。當進神速兵。但勿惶懼也。化醇及二姬致謝而去。木蘭進帳。陳黃苗形勢。
甘君曰。矩兒安在。答曰。矩兒弟已入慕杜之室。不欲無功而歸。因杜進士以
見。蚌苗蚌悅其小而善戰。欲以女妻之。矩兒弟以未奉將令。稍托詞拒之。然
蚌夫婦及部下。均以爲巢之居而足之繫。此快婿不可失矣。杜進士策云。
機不可失。須決于主人。謗恐其興。請裁之于元老。吾故爲此行也。甘君曰。吾
兒得婦。漉蠶之敗。自在吾掌握中。遣常越以意達斛斯侯。將出帳。仍返報曰。

樂王子隨一老道士至。呼使君出。迺越自赴大營。甘君肅衣冠出。擴兄呼曰。主帥可識此老師否。甘君視之。鶴鬢梳于絳霄。鳩筇濯于蒼水。咳唾如聞虎嘯。容儀乃見虬姿。庶幾王者規模。迥異道流骨相。執甘君手而言曰。前事非幻。後來勿疑。君識我。我始識人矣。不然。昧昧以思。皇皇何益。甘君答曰。鼎非無一隙之明也。爲至明者所障。遂無能明。願醫生于目。亦藉金鏡刮之而已。老師其夢中之神耶。抑眼中之神耶。老道士曰。在使君爲意中。在解斯爲夢中耳。甘君頓悟。乃跪拜謝曰。塚中見援。未言今晤。老師之降。喜心散而不能收。殆爲鼎之于國家也。又殆爲眞人之于鼎也。迎入坐。復拜。老道士答拜曰。此行實非所期。塚中先師之命。曰。稍兵以泉。洗兵以火。晉氏以炎失德。衆火沸之。爾引之于先。若鮮卑于與氏。羗之屬。皆助薪而投炭者。用爾餘烈。洗今之兵。此其運會矣。故吾行北天。入地下。浮中海。轉南極。出地還亞細亞之壤。至交趾。適小徒李長脚來謁。言使君近日星躔不吉。主名挫而身危。乞吾過。

訪道濟王師。吾不拂其請。至衡嶽前。解斯貴之魂。爲故隸所牽。將還酒星之次。吾以解斯與使君協恭。不當死。爰叱退酒隸。而引其生魂還營。卽俾解斯自告使君也。徒孫樂世治。將救司馬季孫于紅苗中。因但能自變而不能窮。獼鬼之變。迄無成功。吾令之還。待晤使君。別有所授。幻物壞性。雖小徒李長脚。在亦無能制獼鬼耳。况徒孫哉。甘君問曰。老師入地。胡復行海中。曰。凡上于天。下于地。俱是水。如雞卵焉。空處盡白。實處盡黃也。吾所行中海。乃四海之宗。所以生中央土者。幕中諸士皆入爲禮。知古曰。今辰昏鏡復吟。疑吾友真人欲來。初不料尊師辱臨。弟子可云罔覺。樂般曰。小兒于老師。如耳之拱鼻。宗傳中祖孫之義也。蠋生曰。小鳥不知秦華之峻。細魚莫測江河之深。桑蝸何人而瞻古霸王之氣宇。且挹真神物之光華。令我神契元都。而象空濁世。老道士曰。瑪生誠異散人。二士亦超餘子。此間有符氏之毛后。美而善戰者。聞其轉生謝家。今生證妙果矣。何不見吾。甘君曰。謝娘方侍明化醇。往解

斯營耳。此女前生竟不凡耶。老道士曰。試取瑪生之鏡。待吾淬之。知古跪獻其匣。老道士向空叩齒作梵語。一叟翩然而下。揖求所役。老道士頤指匣中物。叟掀髯曰。如教。但當喚吾妻出。吾磨鏡以剛。不以柔。慮有折損。陰人亦自藏用。幸吾吞之而來。衆駭視。叟猶作哽噎態。澁然有聲。吐一紅杏。如丸轉地。叟厲聲喝之。漸定。長大爲娟秀女。向上客歛衽。老道士曰。曾挈餅貯水來耶。女曰。渾忘却矣。且奈何。叟瞋目而詈。女笑曰。老僧殊蠢。水在內池。不在外海也。僂僂自尋襦袴間。得蓄水器如桃子。大滴之。則涓涓不絕。開匣出鏡。以纖手濯水。不持磨物。而十指作槎銅響。興殊未已。叟驅之下。捋其髻。有涎如珠著鏡。卽銀母也。亦以手淬歌曰。

美人鏡如寶。仙人鏡如草。雌雄兩鏡不相惱。非雌非雄那能保。愛鏡主人卯金刀。聖磨不磷心忉忉。要與萬靈洗疵類。孰云磨鏡無賢豪。兩手化龍與雲鑿。雲去月來水母逃。夫妻磨鏡主人罵。傭奴誓不還仙曹。

叟歌未畢。女坐地和之。鏡忽作裂聲。視之有痕如割。叟大驚。女曰。必有聞歌而竊視其私穢觸鏡者。爾時之鏡如嬰兒得悸疾。少觸卽死也。甘君察之。乃汕垢失檢點。慶喜以妮犯鏡神戒。命之跪而謝過。女曰。穢之觸以其婦。媿之解卽以其姑。告於甘君。須噩王夫人刺臂血滴之。雖裂亦無縫矣。慶喜有難色。老道士曰。菩薩前身。不惜九九之命。乃不能以一縷血相捨耶。喜竟伸其臂。引刀刺之。血滴而鏡痕合。老道士喜曰。三千大千之心廓焉。十里五里之霧開矣。咒云。

兩大合鏡。五行凝精。氣陽鏡易死。血陰鏡易生。陰陽遇賊晦。陰陽遇配明。新鏡已明。古道將成。磨鏡之人。一雙入吾罌。

袖出一小罌。置於中庭。叟先跳入。女繼之。老道士喝云。去去。罌自飛入天末而滅。獮兒請曰。瑪師之鏡生矣。老師曷以拯正參之死。甘君問曰。汝何方遇正參。而知其危急。獮兒曰。獮鬼中男。獮匿女。女獮致男。女嫫共八寨。每寨置

五十人。吾蹤跡正參不得。曾以四更後伏地戶聽人言。至第五寨有漢人哦詩。哦畢復嘆。則涕泣有聲。吾聞其蜀音。以爲必正參也。乃鑽地戶出關之。正參爲女獠所制。錮斗室中。見吾而泣告曰。始我夜坐作書紀夢。步月中庭。坐一山石。無故石載我。平地飛起。在石上惟恐墜死。凡一日。始入此間。石忽變爲女獠。以刀脅降。我誓死不辱漢。彼又招其伴十人。導我淫。夫我守甘使君之節。懼如明副參之俱。不敢淫也。故吟咏悲泣。不謂小冠軍使聞之。既見我。何以出於火坑。斯時吾變爲蛇。令正參騎之。出斗室。見一錄髮怪裸體而來。其私處有二物。吾術爲所破。此怪仍却正參去。吾佯係時。老師示形。遂從之以還耳。老道士曰。世治汝來前。夫變化萬端。其所以變者一元也。汝能變禽獸矣。而不知萬禽皆一鳳之毛。萬獸皆一麟之角。汝能變鱗介矣。而不知一龍藏羣鱗。一龜藏羣介。汝能變獠蟲矣。而不知十萬八千之蟲。由於一蠚蠓。得其一。則不變而可以括萬變之囊。樂般聞斯論也。心追手摹曰。斯乃變易。

之易原於不易之易乎。甘君亦嘆曰。旨哉。獼兒問曰。小弟子方變蛇行而陰陽之怪乘之。術遂解何歟。老道士曰。怪卽女獼也。以汝能變。轉以變克汝。究之汝不知其一。女獼又知其一而不知其二。此正不能敵邪。而邪亦不足以勝正耳。獼兒跪而請曰。所以破女獼而歸正參者。惟老師教之。老道士出一素紙。問獼兒曰。汝見其篆乎。答曰。無所見。卽噓氣顯一神人。張巨口。出一手五指。取獼兒吞之。良久仍吐出。神人不見。復取紙命獼兒審視。答曰。見其篆細于螻螟。得五千字。老道士罵曰。愚小兒若何有如許字。獼兒再視。仍素紙焉。點頭曰。無半字。老道士曰。可矣。汝去特剉江上縛綠髮怪。仍負司馬季孫歸。晦鏡之賊亦得也。獼兒拜謝去。沙明進帳云。來黔撫軍者爲區布政。使人賚書至。問苗中事。甘君閱之云。

星在粵西。聞足下平抱罕之叛苗。援隴西之知己。持檄祇煩青佩。執鞭遂有白蠻分兵而解李郭之圍。列陣而懸睨矚之首。當日知公有我不圖遂

至於斯。後來許國何人。亦恐難爲其繼。徒以功高之累。鷓且退飛。不曾意滿而虧。雷終出奮。星也宣粵無狀。忽膺節鉞之加。撫黔有憂。竊藉風雲可接。側聞苗民逆命。尙有其三。常謂漢將封侯。當居第一。思其前績。跋是遠謨。真人猶在行間。我亦不應有疾。天女更來海國。君其何患無成。

甘得書喜曰。區公來撫於黔。爲此州稱慶。惟稍隔戎行。無由覲面耳。因以詩答區撫軍。遣其使致之云。

其一

人隨地氣北而南。豈謂天功我敢貪。楊僕頭。啣新粵。嶠桓公。手植故江。潭疲於兵事。不堪七宥以國恩。何止三多媿。知交相問訊。心如再熟有春蠶。

其二

因憐後福必先災。不遣星文圻上台。天女弓衣防寇至。真人藥裹作醫。

來。焉。知。嶺。表。豐。碑。立。已。兆。黔。中。大。府。開。君。自。遷。喬。吾。入。谷。修。翎。相。習。莫。相。猜。

其三

此間氛祲總難消。干羽空傳格有苗。蟻賊頻窺惟恃險。鵝軍驟勝不知驕。陳師稍看魚龍戲。樹幟多逢草木妖。至竟勳名誰藉手。漢家終倚霍嫖姚。

使者自去。木蘭曰。區公之書。尙不知吾已在營中也。然吾雖在於事。何益。途中見兩女徒赴大營。想早晚危矣。當鍊元武神救之。老道士曰。元武神所領元緒子弟。蹣跚不利於行。若剛上人化金剛禪。爲七十二鑽。則皆死矣。不能挫其毫末。且將以妬能戕賊之。說蠱惑斛斯。曲反在我也。木蘭曰。投鼠而器不壞。揮斤而鼻不傷。非老師而孰能之。甘君曰。斛斯侯以書來。遂有賺副參而攝二姬之事。吾尙疑焉。木蘭曰。剛上人嘗受于術喇啞。以淫其女弟子。

爲喇所訶逐。此事點金道人言之。吾早在營。必諫阻副參夫婦之行矣。老道士曰。聞吾師云。人有所嗜。必有所制。吾師銷一世之兵。吾獨不能銷一人之兵乎。召木蘭至前。授一小盒。曰。以付大女徒謝娘。木蘭拜而行。隱身入解斯帳。見侯方輿明化醇奕。化醇曰。侯得不毛之地。壞却萬里長城矣。解斯侯曰。雖然美目之盼。君失其四也。左右進曰。此局殊可不完。上人方與二姬談禪。請相詣。侯與化醇携手入見。剛上人跌坐禪榻。鬘兒魔始皆侍。侯與化醇列坐其側。上人問曰。汝等心上有蠛虱二。孰與捫之。而與我食之。侯答曰。虱求食于心者。我將使我心食之。化醇答曰。捫之在師。食之在我。鬘兒曰。我自捫之。是僧是虱。魔始曰。師自求食而不能捫之。虱得以食師之心矣。上人又問曰。兩虱不育。請大衆承其禱。鬘兒曰。還叩僧心賊心。何爲不與虱延一脉。化醇曰。兩虱皆牝。待吾心死。嫁與牡者育之。魔始曰。兩虱皆牡。倩大師爲之賞糞。何謂無嗣。侯曰。虱一牝一牡而不肯交。乞和尚說法。上人喝曰。是心皆愚。

是虱皆智。智能食愚。虱能食心。食虱之智。其鐵師乎。衆問曰。鐵師何形。答曰。禿頂而圓身。問何色。答曰。紫氣而研光。問何解脫。答曰。豎生而橫死。侯曰。老子猶龍。仲子若虬。鐵師之號。獨上人當之矣。剛上人大笑。下坐復談軍中事。化醇曰。昔時山中所發。元著超超。今此之云。殊出次乘。上人曰。貶道從軍。元之不能也。况又元乎。侯請曰。黑苗以瘴癘爲禍。幾喪我全軍。上人何以教之。行天討而伸士氣也。上人曰。凡現神通者。多不自名。傳之其人。如心之使髮。今之夜祇以明故人夫婦授小符籙。擒戮黑苗。如治蟣虱耳。侯從之爲設法壇。戒軍士謹嚴。勿擅入視。初更化醇與二姬沐浴立壇下。聽指示。上人登壇布罡而咒。忽現樓閣如仙舍。置化醇于閣下。而二姬各居一樓。木蘭逕入鬘兒樓中。附耳語曰。吾汝師也。汝將有厄。速以手來接吾盒。剛上人來犯。卽開盒。自有策應。鬘兒大驚。摸索接是盒。木蘭自隱身出坐帳外。伺之。是時化醇殊悶。聞上人喚。漫應之。而不得出其戶。魔始聞呼下樓。則剛上人已將乘鬘

兒矣。鬘兒聞有氣息如麝。有足音如鳧。潛開盒。覺一物飛出。如攫嬰兒去者。樓閣俱不見。夫婦仍在壇下。天明不見剛上人。衆卒旁搜之。則在老兵臥所。持其斷具而呻。殆爲盒中物所割者。斛斯聞而大駭。以問化醇。對曰。其幻樓閣也。將甘心于謝氏婢也。彼不受污者。神人以盒授之而得此。異哉所聞也。侯考剛上人平日行則苗男女切近者俱無完體焉。遣人逐之。曰上人年且老。不足以當閹奴。心不淨者。身已淨矣。盍去之。名山與鐵師同化。剛上人揮涕言曰。劉元海以雀兒殘我。我頭未斷。當碎軀以復此仇也。言訖。攜窮袴走入壁中。斛斯謂化醇曰。宰割禿廝者。卽生我之劉王也。竟安在哉。木蘭入見侯。告以老道士所授術。侯向空頂禮。老道士謂木蘭曰。前者甘君遣常越來。以員小將婚姻酌可否。吾問之剛和尚。彼以爲必不可行。反彼之見。必可行矣。其與甘君計。密示小將。觀釁而動。黃苗女不妨篤伉儷也。謝化醇及二姬令與木蘭返。且曰。寄語甘君。無忘鄒郁歸告之言。破紅苗救張許耳。遂辭去。

木蘭謂化醇曰。副叅自以矩兒弟婚事歸報甘君。吾自赴張許營相助。不待將令多輾轉矣。木蘭去。化醇以二姬歸見甘君。將叩謝老道士。甘君蹙然曰。昨夜吾夢老師來別云。剛上人已入南蠻。獻讒於故滇王莊驕。以鬼兵下戈船。入牂牁江。助紅苗。其勢將不可敵。吾往迎戰。所謂出其不意也。遂別去。且而失老師所在。副叅夫婦將於何申謝乎。化醇又以木蘭赴張許營。並解斯侯許婚之說告甘君。使常越沙明仍赴黃苗中。告杜進士以矩兒就婚意。越明出。旋各牽一人至。曰是男女獮。二人自投大營。云爲樂王子所擒。赴營請死者。越明自赴黃苗。甘君曰。正叅猶未救還耶。請知古鏡之。知古曰。負而飛行。爲剛上人所指。仍縛去。正叅樂王子徒步歸耳。甘君曰。老師夢中言剛上人已至南蠻。安得又在途中。截奪正叅也。知古曰。夫有隱身術者。必能顯神。有指地術者。必能分體。是一是二。亦萬亦千。爲幻想。非真源也。彼遭闖而不死。乃分其身爲二體矣。老師之夢。與吾之鏡。率由幻得真。無庸疑慮。甘君嘆。

曰。吾乃知邪正之極處。俱不易窮。且訊二獠。命牽入。男獠名者狻。女獠名矣
 狸。詰之曰。汝獠以何邪法攝司馬正參謀矣。狸曰。某變爲石臥庭中。彼坐吾
 背。卽負而起也。彼見爲石。吾自人耳。先汝國中。小將竊彼以逃。某變綠髮鬼。
 以陰示之。乃奪汝參謀返。昨者小將又至。某將弄法。小將吐一手攬某。卽引
 籐蔓自縛焉。同者狻投汝營也。甘君詰曰。汚吾瑪大師神鏡。亦卽汝獠耶。者
 狻曰。是夜與矣。狸偕獠數人入汝營中。見一舍光明。將竊取寶物入之。惟
 見鏡旁一人臥。呼氣斃其人。取鏡自照。忽下體奇癢。就鏡前搔之。鏡全晦。遂
 棄之走。汝家小將旣擒矣。狸某亦露下體壓之。小將吐一絲幔障吾目。亦不
 覺自縛也。甘君詫曰。此兩獠皆具陰陽乎。遣卒士驗之。而信。甘君曰。汝獠尙
 能變庭石耶。變綠髮鬼耶。二獠言曰。試同變之。由是其縛自解。各就地轉爲
 兩石。忽又風起。變兩鬼爲赤白髮。隨地復現男女身。甘君曰。是怪獠不宜請
 命於斛斯侯。彼中無道術人戮之也。知古曰。恐刀劍猝不能傷也。以吾鏡誅

之而可。取鏡叩背咒初遍。二獠狂叫。其身若塵埃颺去。忽獠兒入。撫掌曰。快哉。鏡乎。惜不持照剛和尚。使彼奪正叅以歸。甘君曰。老師又隱去。正叅何日生還耶。獠兒曰。兩土人將以獲正叅功。自媒于靈青氣。令彼兩人有魚水之雅。以剛惡濟獠凶。我軍中直無勝策。請與瑪師借吾。自得以變化行反間耳。甘君乞知古携鏡與之行。至特柯江邊。知古覓漁艇匿其跡。獠兒變男獠。入寨中。聞羣獠語曰。前夜劫張許營者。爲一女將擒去十三人。今早遁歸矣。大王徵求師相。有剛上人擒獲漢叅軍。願居左右。大王悅。命宮中張宴。以客饌不以僧齋。亦寨中新氣象也。獠兒雜諸小獠入內侍酒筵。傳剛上人至。靈降階迎入。坐論軍務。懽若平生。靈曰。張許營中。時爲我兵掠。昨被擒多人。雖以術逃歸。然亦挫折矣。聞其用女將也。上人其前知乎。剛答曰。卽漢廷所封天女。東海龍女。酈仲離也。在師中名木蘭。靈曰。然則吾亦知之。是嘗伏谷中以地雷敗我師者。上人無能爲役歟。剛切齒曰。彼之於吾。仇不可解。誠假大王

之威。雪一劫之辱。吾安得便好休也。噩曰。何仇何辱。吾不足以知之。剛蹙容曰。本體之不全。靈根之已剝。在周爲巷伯。在漢爲史公。能不悲乎。行自媿矣。噩笑而憐之曰。願陳洗腆之情。爲上人澆塊壘也。遂入宴。燔炙俱過常珍。羹湯亦嘗異味。剛饜飫既多。莊嚴漸失。既而歌惟雜劇。興甚藏鉤。噩遣猓童之倭跪進一卮。剛還引滿。爲大王壽。噩飲先醉。詞益多。舉巨觥屬剛盡之。剛亦醉。噩曰。上所擒司馬季孫。吾勿殺也。須遣說甘鼎。易還吾故夫人。剛曰。大王夫人之美譽。布于幽明。而不獲奉大王以終身。洵有情而無望者也。吾請以小術攝之歸。俾吾王大快于心耳。噩大喜。復拍案叫曰。吾將以猓豔數人爲上人薦寢。試觀羅什之吞針。惜乎此道淪亡。媾將何及矣。剛曰。吾已有不壞之身。斷無常虧之性。呼吸而還具體。摩挲亦返元神也。始雖自有而無。終亦以損爲益。噩自捋其鬚。神色稍動曰。明當封拜上人。爲吾夫婦一合其鏡。剛曰。易易。惟索還宮酒食耳。大噓而罷飲。是夕猓兒變剛上人之形。入噩宮。

中調其所幸之苗婢。婢却之。又入噩寢室。見噩方醉而不能動。兩苗妃爲之按摩。獷兒故作窸窣聲。噩朦朧見之。笑曰。上人來窺形色。得毋顧影自憐耶。兩苗妃皆赧赧。獷兒答曰。吾醉後神遊。偶來王宮。非食指動也。忽不見。其明日苗婢以訴噩曰。始窺我乃無害。吾以爲仙佛出神試凡目者。乃狎侮羣婢。則道心蕩矣。宜爲人所宮哉。嗣後不復封拜。亦罕與談兵。獷兒伺季孫。乃閉置于剛之右舍。不食己三日矣。一小獾跪進其餐。泣且稽首。獷兒謂之曰。彼漢囚也。卽餓死于我。輩何傷乎。而作此態。小獾曰。大王有命。不殺漢囚。其餓死則殺進食者。獷兒曰。若然。大王何不歸漢。小獾曰。聞吾父兄曰。大王嘗爲漢小將所窘。在沙磧中。倚馬賭射。小將避腹貫臂。拔矢裹襟。存大王之命。故終身以不殺漢囚報之。吾亦笑其愚也。如子云云。何不歸漢。獷兒見季孫瞑目不語。呼曰。非人不能救爾。爾不能受人救也。季孫張目視之。叱曰。獾奴乃敢誚漢叅謀也哉。獷兒笑曰。叅謀叅謀。再囚再囚。有人負汝再矣。而皆爲人

所奪。以人而反不如石乎。季孫聞其言異。知獷兒善變。乃爲隱語曰。君知者耶。曰。然。又問申棖何往乎。曰。在。季孫乃少進飲食。小獾去。獷兒曰。以明鏡來。棖也。不足懼矣。遂出至漁艇。告知古以所爲。且事在旦夕。知古曰。吾于道術之事。有體無用。冲舉隱形。皆未之傳也。何以贈之。而事斯語。獷兒曰。君載寶至重。吾不能提挈之。請變君之面目。爲老獾作橐駝狀。以負爾鏡。何如。知古曰。異哉。我不能自變。而人變我。又何尤乎。獷兒張口吐一手。揉知古面目。上下摩其身。儼老獾焉。相率入寨。更鼓動矣。聞剛上人呼侍者云。今夕風不吉。宜防賊來。侍者曰。我輩乃賊也。尙有賊中之賊耶。知古掩笑。二更後。獷兒潛來季孫室。小語云。起起。吾不能復負汝。試抱此竹夾膝行。季孫抱之。入懷者固一鱗物也。穿戶出走。作風雷聲。獷兒爲前導。剛上人大驚。掣錫杖投之。變爲五大星。如連珠絡其身。登天際。知古叩鏡背咒不已。珠落地而剛亦無跡。獷兒自以季孫還營中。氈帳下羣獾無敢出門者。知古始得從容負鏡出寨。

呼司馬季孫者。三道旁一人出曰。季孫已歸。瑪大師蓋于此小住。知古曰。何似常越語。遂從之行。歷里許。乃入一草庵。挑燈對照時。知古及其人相視而各駭。知古問曰。汝漢人耶。吾在漢營中。實未見汝。其人曰。君獾夷耶。吾在獾寨中。亦從未識君。知古頓覺其變形。初未復本相。叩其人姓名。答云。真無慾。嘗與司馬正叅交。聞其脫于險阻。此地來相迎耳。不謂值吾子。問知古姓名。知古暗思。彼目我爲瑪大師。誠知之矣。因面目非而復詰。何勿給之。答云。者珂以噩王命侍剛上人。今聞其追季孫。因而助之呼也。子可識剛上人乎。其人視知古背。問所負何物。答云。此瑪知古之鏡也。其人曰。知古安在。吾見此鏡。以爲子卽知古矣。何者珂之云。答曰。二更後。知古敲鏡于中庭。吾自其後而擊之。鏡乃歸我。知古想亦歸漢營耳。其人忽厲聲曰。汝老獾得此無用。送我何如。知古不肯。其人指戶內數人出。喝曰。汝輩何不奪取此寶。數人皆諾。知古曰。我卽不畏汝。亦當贈汝。但須假吾攬鏡自照。庶不虛此一生。照畢以

付汝。又何如其人曰。若爾爾。吾不于汝乎。斬也。速自鏡。知古開視之。其人即剛上人所變形。數人則山中斷樹枝也。方駭間。其人攘臂來奪。知古度不能支。投鏡大罵。其人曰。汝非瑪知古。何得發訕。忽又一人進草庵云。鏡不必奪。我亦聞公等之言矣。瑪知古失鏡而大慟。將自死以索剛上人之命。我因代之訪鏡。既公等以此爭競。盍以付我。轉還知古哉。其人大怒。逕揮毒手擊之。此一人倒地。拾鏡出門去。其人引數人追之。天既明。草庵如洗。乃在空塚中。知古匍匐出見。木蘭忻然攜鏡至。曰。幸哉。斯鏡出君之背。入吾之手也。語以剛上人與吾鬥法物已擊走之。又笑曰。瑪師不解吾言。真老獐矣。東日纔上。木蘭吸氣數十口。對知古噴之。噓而復其本相。始受鏡而謝曰。天女何自來。援也。木蘭曰。吾爲兩都督擒。男獐十三人。盡被逃去。因以百人劫紅苗營。求司馬正叅蹤跡。適已爲樂王子護歸。知瑪師同行而不見。冥搜至此。不期得護神鏡也。張許亦望吾師至其軍。請以鏡護可乎。知古曰。吾之鏡。那如天女

之盒。盒中物能使剛爲不完人。鏡中光不能使剛爲無住客。盒常在天女手中。則鏡常在吾背上矣。木蘭曰。盒中靈雀。卽鏡中神龍。吾之養雀。卽師之養龍也。忍相離乎。知古與木蘭往。張許營。張大都督迎出曰。瑪師天女之來。所以助懷亮者至矣。鍼砭兩師亦從牯犛江浮出。以待濟艱。遂偕入。許大都督曰。始得天女協力。已免傷殘。偕以瑪師。靈苗可盡也。鍼砭二師謂知古曰。鏡破則道壞。鏡完則道圓。明心見性。省無數修士工夫。亦不煩真伽激勸。劉老師之傳衣傳鉢。視吾徒夙種根荑也。我二人遭喇啞喻震雷之劫。體變鱗介。尋交阨道院。得滅火真人。稍求解脫。真人云。耳目手足之疾。不宜急求醫。人抱疾而安之。則終自治。我二人沉于弱水養體。有時值劉老師過斯。投羽扇而不溺。知其下有疾痛之徒。出舌幻兩鍼。各治其患處。我二人始脫于鱗介。化爲雲霞之軀。轉以痼疾進妙明境。遂入牯犛江。至此以待喇啞喻矣。木蘭曰。牯犛江不能載一羽。卽弱水之支流。吾嘗閱海藏經得之。喇以借臂遁去。

復入色界。非還自滅耶。二師曰。喇與其徒智鏐皆由滅得生。亦其隨化之理。兩大都督曰。衆善會歸。奚敢作孽。紅苗誠蠹。不足彈一仙指。甘君與吾軍同患者。當以此告之。知古曰。吾鏡先嘯而後吟。甘君或有所侵害。而藉二師救。亦神人相遇之占也。言未既。桑從事至。云樂王以司馬季孫歸。甘君喜可知矣。中夜賦詩共賀。既寢。夢老師返。授一鐵丸吞之。云吞此則胸中長甲兵。鎮虛僑之魔鬼。甘君覺而腹痛。丸塞其胸。捫之可畏。吾試展徹土作稼之文。觀之。其字曰。

三口吐金煉一爐。水經注之爐無金。金水蕩滌之金口兩絕。

其機甚奧。吾意瑪師之鏡。有金水之義。急而相詰。得非是歟。知古嘿然。鍼師曰。吾往視甘君。卽偕從事去。入帳中。甘君氣縷縷將絕。小語鍼師曰。夢中之鐵。適從何來。吾師點金。恐無此速化。鍼師曰。吾所點者頑金。所成者神鐵。君所夢吞之鐵。乃美疾而妖者也。夫妖生于夢而慧結于因。吾知之矣。吐金彈

呪之。大如鏡。照見甘君胸中之鐵。乃是一鬼臂耳。問甘君曰。剖腹而出之乎。不然。沃癸水亦可潛消也。甘君喟然曰。元老則有比干。小臣非無金藏。吾何求哉。得死亦樂矣。樂般及化醇皆泣告鍼師曰。剖之事。猛請從其消焉者。鍼師曰。昔在師中。阿修羅之少主。尙居噩帳。今歸漢矣。取諸其懷。非少主而奚屬。化醇曰。若是其取也。其主人實病。般曰。禮柩內外言不出入。况彼其未亡人乎。蠭生曰。臂血之勿吝。卽公忠可知矣。願因副叅之二姬以請。則免于褻也。化醇以告。蠭兒等就慶喜室中。浼之。喜曰。未來之前。已鍊其液。出一蠭丸。云送呈鍼師。此金丹不求報禮矣。蠭兒因副參獻其丸。衆未之信。獨鍼師贊嘆曰。彼亦換姪女之骨矣。去道夫何遠哉。復揖衆而言曰。蠭丸之投。震驚不少。幸無少見多怪。以待盈虧之自然。衆皆曰。使君柱礎之身。一寄于不龜手之技。敢或駭諸。乃鎔蠟丸。傅甘君之足底。一時而腹中鐵鳴。甘君瞠目謂鍼師曰。不忍于一剖。此時腹中物跋扈何如。卽瞑目逝。季孫不勝悲愴。謂同墓。

曰。卽有七日之復。已無一息之存。想來岑之被刺。巡遠之遭屠。其慘毒有如此矣。夫前夜使君賀我。又寧知今夕我唁使君。天留此人。世可無我。何其道盡于鐵腸。悲深于銅淚。而騰槽之馬。嘶憶將軍。在幕之鳥。啼爲弔客。雖不至西州重過。東閣再窺。然俯仰生平。亦可見師未捷而身先死者。古今同此其感也。其次日。蘇斯侯使人來訊甘君疾革。曾有未了之事。欲留之言否。獷兒對曰。未了者須自了之。欲留者不能留也。主兵無恙。乞侯秘之。使人出。常越沙明以矩兒就婚黃苗歸而報命。聞甘君不起。踴而入。鍼師叱曰。東海漁人。毋得悞搶地。撓使君鍊鐵之功。越明曰。嘗見使君病矣。婁萬赤所遣赤蜈蚣。繞頸三匝而氣未絕。今其尙可活耶。

筆塚啾啾若有憑。

每于索隱得禪燈。

休疑運去庭逢鶴。

會見神來海化鵬。

喜懼相忘人亦廢。

陰陽不戰帝何能。

鬼才自欲窮蚊睫。

洞徹閻浮最下層。

新野叟曝言卷十二終

新野叟曝言 卷十三

山中敝帚添丁

取資細竹。誰云掃去非愁。得意空林。我信持來是偈。彼多求於精舍。魅豈守雌。或勿棄其敝衣。僧將遺卵。

鍼師曰。前爲妖人之劍。害形而不能死氣。今則物母之元。息氣而後能生神。無戚戚耳。四女皆出視。鍼師曰。哭之盡哀。所以發使君之病也。慶喜先慟。三女繼其聲。每日一臨其臥榻。至四日。鍼師復以金彈照腹中。鬼臂小如趾。有玉盂承之。視足底所傅蠟丸。殆已化盡矣。第六日。甘君腹如雷鳴。卽復蘇。攬衣起。鍼師賀曰。始將鍊鐵於膊及脛也。乃鎔入於膽。從此金邪不能侵。木宮大可用也。化醇問曰。師初見據腹爲鬼臂。又言臂爲足趾。則已無鐵之形。茲而仍鍊鐵也。所謂臂與趾。其安在哉。鍼師曰。副參精於析理。此亦易明。鐵丸爲喇啞喻所安之心。鬼臂則其所借之身。足趾又臂之借也。殺人之心不能

常安始假於爲鬼之身。一再借而身既灰。心亦槁焉。吾乃揚其灰而又潤其槁。爲鬼之身與命俱舍。殺人之心與性俱存矣。鍊鐵者鍊喇之心。復使君之性也。若鬼臂及臂所化之足趾。如以器用物乞與人者。聞其室易主。固將去之。化醇了悟。始曰。斯鍊也。殆大易所謂成性存存道義之門乎。甘君命越明進問。矩兒婚黃苗之狀。越明對曰。使君信至。以告於杜進士。與慕燁言媒。而員小軍使始入蚌黃門爲贅壻。其主名璜兒。日夕導小軍使爲婚媾。小軍使方臥。則以員夫人所與剩錦隔其衾。卒不能媾。蚌苗之擇壻。以無子也。壻不與女合。又逐小軍使於外。而自養一子。年及冠矣。此子好淫過其父。好殺過其母。杜學士勸蚌苗廢之而不可。此子始教獍蠻爲陣。杜進士慕燁爲此子所疎。將乘間以小軍使逃歸也。甘君曰。然則蚌吼易平。而其養子難治矣。越明曰。此子前生苗中。皆以爲不凡也。鍼師亦知之乎。鍼師曰。自吾觀之。荒誕極矣。甘君問之。答曰。今黑苗所據之烏蠻江邊。有寺曰廣慧。阿育王所置塔。

處其禪師所居丈室。長叢竹幾百个。秋山落葉時。竹中聞嬰兒聲。禪師曰。此君將化矣。盡芟之。以其光明者縛爲帚。得三百六十節。具人身之數。禪師寂後。帚常置丈室中。有僧以靜夜過者。每爲所魅。變少女而姪狎焉。凡被汚之僧。前後相繼病且死矣。其師憂之。於出定夜携錫往視。則數僧與一女合甚。權大叱之。女不見而僧各喪精也。此帚怪逃之巖下。精氣凝結。其腹遂龐。厥有娠而生子。携以行乞。爲火神所焚。帚怪旣絕。其子轉徙犍牻江。投壘青氣。求爲子。壘曰。吾子已死。吾祖宗不歆非種之祀。斥之。遂去盤江。逢故竹王之師。授以遁甲變化之術。知蚌苗無子。乃爲之假子。而席其基。雖么麼小僧。亦足爲王師之梗也。季孫曰。黃苗之事。吾一軍當之。張許之備紅苗。有疋師瑪師。天女協助。惟黑苗最弱而解斯候。以待粵滇之援兵。不檄召我師者。拘於分兵之見也。於使君何嘗不望歲乎。夫貴臣總師而苗人罔有忌憚。聞嘗以書索戰矣。辭意傲慢。俟之左右。殊不能平。俟雖遣爾雅慕僚。以如雷如霆之

聲奪爲鬼爲賊之膽。然筆舌征誅。苗人所不懼也。且聞者不以爲喝。當頭之棒。而不啻盜掩耳之鈴。興師薄伐之謂何。而逍遙至此。朝廷卽不致責。衛社稷者恥之。使君宜以疾愈相謝爲說。簡銳卒而直圖黑苗。俟見芸田之人。必不譏其越畔。聞爲粥之食。亦不責以嗟來也。甘君曰。正參之論。關乎國是。吾敢避嫌乎。自選三百人。以常越沙明持三日糧去。至大營。侯喜不自勝。迎見曰。公愈矣。何其速也。甘君曰。鼎未卽死。良不敢以鞞齋未殄。貽國家之憂。爲我俟之疾。請自率所部進擊烏蠻。滅此朝食。非同於大言之夸耳。侯曰。公之忠勇。禁掖所傳。吾坐而觀成。以俟庸庸之福。應無慮。知已相笑矣。甘君遂前。侯亦爲後隊以進。鞞苗聞漢兵來攻。以千餘蠻出戰。呼曰。甘鼎一人來。吾當力擒之。爲鳩妃報復。常越沙明俱善步戰。突入烏蠻陣中。所向莫能禦。蠻敗走江岸。多竄入水者。欲以誘敵也。越明大笑曰。水上生活。曾不聞甲子城中大小溜耶。臂兩刀躍入江內。羣蠻張野籐網待之。兩人落網。刀不能割籐絲。

爲羣蠻所曳。凡數里。登岸。出諸網而施縛焉。兩人罵曰。蠻奴便斫耶。如魚鱗耶。尙不禁癢。束縛何爲哉。羣蠻答曰。未有大王命。安得便作魚膾。但旣已成擒。看爾大小溜溜得去否。兩人縛於營門。見鞞左肩帶一箭。馳入。吼曰。微吾化身。幾死於甘鼎之手矣。然貫矢雖不深。有力亦未易拔。若之何。檢點敗苗存者三百餘耳。衆以越明獻。大罵速殺我。鞞曰。殺亦有時。速則未必如願。因大笑。箭鏃甚作惡。命蠻兒之健者。以力拔。凡十餘人。皆不濟。鞞怒。命鞭之。蠻呼曰。我力不及箭。箭力不及大王之肩。鞭我亦應鞭箭。置兩漢囚而不一試。乃威及爪士也哉。鞞笑曰。嫁鞭於漢囚。渠亦巧矣。呼釋兩人。如不能拔箭者。卽碎切其體。沙明曰。我先拔。生則俱生耳。常越曰。但恐拔矣。轉相率而死。沙明曰。固也。爾我卽死。當不在人先。謂鞞曰。箭不出則爾生。我死。箭一出則爾死。我生。此盟不可負也。鞞曰。我懼死。是以拔箭。終不拔。我又安得生。若爾要言。將死。我以求生。何其愚也。我苟死。亦烏能禁爾之生乎。以手按柱。示以左。

肩明奮死力呼曰。漢家羽箭。主將發之。遣其下收之。以戮苗醜。敢勿勗哉。其箭由胛骨中迸出。作裂石聲。血噴明面目。轄大叫便絕。明急掣轄所佩劍。越疑其自刎也。呼曰。弟當待我。亦奪蠻手中刀。明答曰。兄寧殺賊以死。弟不敢先自殺也。羣蠻以械四面蟻集。兩人鬥且走。力盡將不可支。大呼曰。真可以死矣。舉刀劍欲共刎。忽空中彈丸至。擊落其刀劍。矩兒躍而前叱曰。兩將不可死此間。從我出。兩人仍取刀劍與蠻格。隨矩兒還大營。甘君猶未見矩兒也。問兒其以新婦歸而援我耶。矩兒起居畢。告曰。兒偕蠻婦瑣兒還于本營。獠兒弟以阿父援解斯之事告兒。疾馳至烏蠻江上。已不見阿父。適兩將爲烏蠻所圍。奮勇救之生還也。越明前謝矩兒。並以死轄苗事告甘君。侯邀請入話。甘君率矩兒及越明進見。曰。此員矩兒以侯命就婚黃苗還者。來援常越沙明。知轄溺已中鼎之箭。歸其營而拔鏃以死。敢爲我侯慶。侯謝甘君曰。我有藥而不能進。君爲秦越人。我有矢而不能射。君爲養由基。其以君父子

兩將之功入奏。并陳噩蚌二苗可滅狀。甘君以侯命遣矩兒及越明等率大營兵士往勦烏蠻餘賊。降其衆二千人。給免死旗。安插故寨。亦依紅苗例。用其酋統之。侯開宴酬甘君醫毒瘴平黑苗之勞。酒三行。復填詞一闋。遣巴童歌云。

似汝能兵。何神禹三苗未滅。休抵掌伏波橫海。後來功烈。照徹陰邪。惟有雷鍊餘肝胆。眞同鐵。人共知將略少。傳家吾能說。異人至。金石裂。魘女降風雲絕。况龍宮斗宿。敷天仇切。帳士非無賁育。勇。幕官不少蘇張舌。慶昇平。聖主得賢臣。民皆悅。

歌畢。主賓盡醕。軍中呼萬歲。記室張弓弨以奏稿呈云。

臣貴言自臣易甘鼎總帥以來。核鼎之用兵。非術士不能成。遏亂之功。非婦人不能妙。誅邪之略。其事不經。要以利國家爲亟。亟。故臣亦釋疑而徵信。責之以難能。程之以易竟。而鼎啓天書。救全軍之命。擒鬼物。得二醜之

情遇難而吞鐵丸。收功而發神箭。黑苗蕞。已就誅戮。蚌吼青氣。行將蕩平。凡此殊勳。非臣貴所幾及。惟聖明洞察。仍以甘鼎總帥。臣願副之。靡盡愚忱。伏俟俞允。

甘君謝曰。侯之薦鼎。以人事君也。如鼎之不才。黼黻以榮。而服之先憂不稱。奈何哉。惟常越沙明所探蚌苗。收一養子。無賴好鬥。鼎當與帳中士力圖之。辭侯將出。矩兒告曰。戟門外適有粵中故人來。請阿父相見。甘君迎之。執手道故。乃交趾降將屈蚝。先已建牙海南。因斛斯侯奏調粵兵萬人。蚝爲統軍也。甘君問粵中近事。蚝曰。海尙兩都督入直禁廷。途中聞石中丞移節壽州。備河南五斗賊。剽鼻之柳巡檢。擢廣州承。亦隨赴淮南矣。至于夫長渠灌兒。南海土尉曹鎮。並隸蚝麾下。明公軍績。遍於西南六州。蚝昔時非明公指迷。早爲駙馬都尉。郎善相之續矣。今而復相值。忻喜生于感恩耳。甘君曰。此間戎事。與海濱異。將軍慎之。僕有所見。必以相告也。蚝進謁斛斯侯。甘君自引。

矩兒越明返。蚌苗之女璜兒見甘君行子婦禮。甘君曰：兒媳從漢人歸，不憶耶娘乎？璜兒歛容對曰：父母亦未嘗生身。記兒前生以竊姮娥靈藥事覺，被主者推墮鹿柴，爲牝牡鹿所撫養。卽今黃苗夫婦也。鹿是彼之胎元。兒初欲與文星合，以入塵世而結俗懷，非本來想。故願相從以歸。他日有可以佐戎行者，不敢忘天孫母訓。甘君喜，命軍中稱之曰：員少夫人。杜承瓊慕煒次，第入見，告甘君曰：始謀與小軍使偕，而夫婦已作鴛行，不便以兩禿鶯相混。故復滯苗中十餘日，而先後返耳。甘君問曰：蚌苗假子，果何姓名，能合其衆否？對曰：初歸蚌苗，自名爲阿吠。蚌悅之，曰：父吼子吠，必昌吾家。後見其臥起，輒化爲龜形。問于士人，乞其更名。士人云：是洛書之祥，宜名洛。有道人告蚌曰：王子靈龜，其身又善治武事，請姓名俱易爲蔡小武。蚌曰：吾其爲老武矣。遂易姓名。小武日教獷蠻遁甲，其婦佚麗，蚌私之。小武歸而警見，先斬其婦，縛蚌將殺之矣。以老曾諫，姑桎梏焉。小武自長獷蠻，邪師來附者四，曰漓老沫。

老網山人編山人謂小武曰。昔吾師所授遁甲。有消納法。卽有引伸法。願與王子演之。因討論其術。小武拜爲四輔。分領其衆。縱掠盤江內外。滇之東境亦爲所擾。使君須速發兵也。甘君以叩鍼師曰。寧知敵帶之兒。更添羽翼。四人非喇與剛之類聚者乎。鍼師曰。彼與喇剛殊不同道。卽故竹王師之徒。用兵較勝于蔡小武也。然使君遭非常之敵。卽有非常克敵之人待之。若員小軍使新婦之來。預爲四人地矣。甘君笑謂矩曰。雖曰假之。世間佳兒佳婦。安得如我之兒及婦也。鄔郁引兩粵將進見曰。斛斯侯以粵兵千人。分隸我營者。是爲渠灌兒曹鎮。陳兵冊行參謁儀。甘君扶免之。謂曰。昔石灣擒鄺天龍。吾戰于外。不敵汝兩人戰于內。成功尤捷也。二人曰。某等非藉使君兵威。何能行其內變之計。甘君命矩兒夫婦。率本兵三百人。渡盤江。挑蕩蠻戰。客將渠曹以粵兵五百人。護江內諸村落。自移營駐盤江橋渡口。以遏黃苗歸路。斛斯侯聞甘君進兵。亦移大營于特狗江。上援張許之師。分屈蚝兵搗黃苗。

剛上人言于噩曰。斛斯兵非我不能破也。王若以女嫫百人授我。當獻其捷。噩曰。聞斛斯與上人談禪。頗機警。今上人失其麈尾。得不相笑乎。剛面頰強詞曰。奪我麈尾。非斛斯之意。我卽擒彼。亦當以不死待之。如獲甘鼎。帳中之徒。不能貸矣。噩曰。難得者漢之總帥。擒斛斯而活之。不如勿獲也。且上人惟圖報怨。于吾何利之有哉。剛自知語失。復謝曰。果能擒之。生殺惟王所命。我何敢與聞。乞授女嫫。噩終以剛無行致疑。曰。女嫫恐畏上人法力。不肯爲臂指。自以男嫫擊斛斯。何如。剛恚曰。王以我術可任用。何靳乎女嫫也。如自能禦之。我早辭去矣。噩曰。且無矜言術。吾十餘歲。縱橫苗中。知有術而不願學。惟以金戈鐵馬。決勝山溪。上人謂緇流道高。俯視戰陣之士。吾寧敗不恃上人力。叱羆鬼千人。隨大王戰。男女嫫皆從征。粵營屈氍。方指揮兵卒進鬥。噩遇之。亟傳號令。男嫫居前。女嫫居後。皆伏地以盾護其身。俟礮聲盡。則逆擊。氍見嫫兵大至。果置大礮五位。重二千石。其連環子母相繼者。四十餘座。轟

半日始聞噪聲起。持利刃毒矢者。騰躍皆至。粵兵亦以牛皮盾蔽。男婦分兩翼旁裹。女婦各袖出竹鳥機。發火著盾。卽燒燬無遺。蓋其火焰。乃雜牛脂爲之。故見革必然也。粵兵有焦爛及頭額者。蚝見圍急。自率交趾隨護卒三十人突出。遇噩挾矛策馬逕奔之。噩倚矛發矢。蚝連接其三。暗投飛鎗出。傷噩左足。噩大呼曰。漢將誠勇。無如此之技。得非解斯侯以羽林郎率神策軍來。其巧力傳之上方者歟。蚝曰。貴侯豈與汝窮苗角鬥。吾爲屈都督統粵兵來。聽貴侯調遣耳。噩謂女婦曰。須奮勇擒此漢菩薩。女婦呼曰。呵呵。負盾于背。爲毬之圓轉。交趾二十人。以斧鉞亂斫。毬忽不見。蚝已入伏中。爲女婦所執。三十人出死力救。而男婦雜沓攻之。皆被縛。噩大捷。揚鞭返其營。擲揄剛上人曰。吾無術者。亦生縛漢將一人。卒數十歸矣。上人不去他所。何其戀戀耶。剛答曰。我去。王卒爲漢擄。願嘗充食客於王門。不忽見其敗且死耳。王乃以戀棧豆之駑馬相例。是無知人之哲也。噩令女婦以嫚語辱之。剛大怒。指屈

蚝及三十人所縛。索索俱斷。蚝罵曰：不幸爲囚，則合死國。何用汝妖僧作法哉？噩亦笑曰：屈都督來。吾自以禮釋，亦何與方外事？貪嗔若此，有媿於上人之稱名。剛知噩不用，舉手便出一紙，鷲跨而起。女獠以竹鳥機擊之，墮地。剛泣曰：遭若輩一擊，有翼不能飛矣。乞王帳外一草廬，養疴數月，不敢於兵事。僂言也。噩曰：亦覺可憐，幸無復相見。遂扶去之。噩請蚝就賓位。蚝曰：汝以不殺爲仁，吾以求死爲義。國之統軍被執，無倖生理。引佩劍呼曰：屈蚝今日不敢負甘使君也。卽自殺。噩救之已無及矣。三十人各拔刀自刎。噩爲之號哭曰：嗚呼！此漢之真將軍，死亦足以懾吾儕矣。以禮葬蚝三十人，共埋一大塚。題其華表柱云。

毅魄如生，足以奪苗人之氣。

佳城宛在，曾無殺漢將之心。

解斯侯聞報垂淚曰：屈都督不肯貪生，吾大臣先當媿死。仍遣記室張弓弦。

爲文以祭之。其詞曰。

維年月日祭辰總統各路軍務柔遠侯斛斯貴謹以牲牢酒醴之儀。致祭於海南大都督屈公之靈。曰。嗚呼君命如山。臣勳如水。古今幾人能得一死。維公降神。眞宰覽揆。世爲公族。在楚熊氏。鶉火之精。燦於交趾。扶桑銅柱。式我南紀。載獻鯨脰。臣賴有泚。國恩逮臣。與海無涖。闔外機宜。無勞天子。立鰲誅鯨。氛靖海市。粵旅萬人。非公孰以。我來乞師。殊不得已。暴骨裹屍。惟君所使。大星欲隕。公乃至止。逆命紅苗。犴犴再徙。謂公聲靈。宜翦滅此。公有智謀。不慚樗里。公之善戰。無忝臆起。水陸揚威。截蛟殪兇。終流一鎗。先接二矢。苗旣悚惶。爰呼其妓。合圍蠶蠶。其數倍厖。繫我公歸。命之衰矣。紅苗致詞。悞辱君爾。公乃長嘯。嗟哉犬豕。予爲漢臣。無苟全理。公心中悲。公髮上指。屬鏤不利。公礪其齒。三十交人。哭聲盈耳。相從地下。如葉扶蕊。箕尾騎公。虹霓青紫。朝廷柱礎。遂不崩圯。我奠椒漿。爲公志喜。千秋萬

歲彪炳青史。嗚呼哀哉尙饗。

祭畢。軍中盡哀。侯遣告甘君。以屈軫死節事。甘君曰。屈都督旣亡。疆苗熾矣。吾不可不往。率百人趨牂牁江。天方晝。忽冥晦。非烟非霧。遍覆大旗。有頃。前峯崩劣。雖蠟屐不能上。甘君問土人曰。峻嶺連霄。吾師焉濟。土人對曰。此間向無此山。想近日飛來者耶。甘君循嶺下得一庵。是施茶葺惠行客者。有老人鬢髮鬚髻。臥于庵側。問姓名。老人以手畫地。作俞亞禾三字。問吾兵何以過嶺。則畫一難字。甘君曰。此妖也。叱左右斬之。老人張喙作霹靂響。庵已不見。前山變爲大溪。溪中有人語曰。甘鼎大迷。將葬污泥。甘君憬然謂羣卒曰。本無此山。詎有此溪。以爲山溪。吾乃惑于妖矣。策馬入溪中。仍是平地。百人喜服甘君之神明。幻境旣窮。復見天宇。將近疆營。聞男女嬉笑聲。甘君怒曰。彼以屈都督戰歿而相與爲賀也。其何以堪之。揮兵逕擣紅苗寨。疆青氣聞甘君自至。大驚懼。呼男女雜曰。吾左足爲屈都督所創。不可以戰。奈何。男

孫曰。我等獲甘菩薩勝于獲屈菩薩十倍矣。大王母徒誇女獯之能。噩曰。是未易言也。甘菩薩可獲。吾不至喪其子女。別據蠻陬矣。但爾等不爲變化伎倆。或可以得志。如妄逞其術。彼中若樂王子。龍木蘭。孰不能擒斬爾等乎。男女獯皆如戒。以千人出門。甘君臂兩鎗接戰。來敵者數十人皆死。女獯悉脫其桶裙。四散奔走。男獯被甘君左右射倒。生擒三十人。甘君所隸百人。無一折損者。噩知兵敗。乘險處發矢。中甘君之馬。甘君方墜。超乘別騎。還歸大營。斛斯侯迎於帳前。執手相慰。戮男獯三十人。以其頭祭交趾。三十人之魂。侯嘆息曰。屈都督以二千人而亡。君以百人而勝。爲簡之師足用矣。豈在多乎。甘君曰。癩鬼若肆行其幻。鼎之能無以過于屈君也。不爲所算者幸耳。是日張許亦來。斛斯營相謝曰。我侯自統兵來援。兩人者願不及此。屈師雖敗。甘君復之。國家之福。而師武臣用命也。今營中忽來一僧。掣瑪師之鏡。以去。砥師及天女追十日矣。而未返。敢以告甘君。侯大戚曰。三道術人不歸。吾師勿

克矣。甘君曰：不然。鏡也者，卽鼎與侯及兩大都督報國之心也。心定而後鏡存。鏡之云亡，心安在耶。鼎願往觀焉，亦與鏡爲存亡而已。匹馬徑還，張許帳中。一道士迎曰：使君歸乎。喇啞噓以鐵丸不能害，化爲山溪。又被使君識透，彼無能爲矣。吾以瑪知古，酈仲離點石道人追鏡不還，來與使君覓鏡也。甘君視此道士，若欲竊劉老師之面目者，而意氣惡劣，畢竟優孟不同于孫叔虎。賁實異于中郎，乃大喝曰：若非劉老師也，安得相假。道士失色曰：謂吾非劉元海，又是何人。甘君曰：果爲老師，以頭來容一劍劈。蓋難之之詞也。道士忻然引頸曰：吾頭是銅者，未必卽受汝劍耳。甘君拔劍斫之，則如匏之物，如土委地。其軀尙植立焉。甘君頗覺手刃過當，謂道士以頭爲戲耶。悲夫。頭在地下，答曰：使君自戲耳。吾頭仍不受劍也。躍起丈餘，而下台于頸。甘君大駭。道士笑且罵曰：老師當前，輒不相信。又從而殺之。甘鼎有人心者，不能殺人。行將自殺矣。甘君曰：我國之將帥，當死于典常，不當死于妖妄。汝自殺我可。

也。道士嗟呀曰。甘鼎自是忠義。但能以事劉元海之道事我。呼之曰老師。卽爲汝滅紅苗耳。何忍加戮。甘君曰。生平未嘗妄拜一師。且師汝之邪智秘巧。顛自斷續。惡爲強梁。國家無貴乎刑誅。明哲不珍其身命。求爲弟子。不亦顛乎。道士曰。汝不師吾。吾亦無顏爲汝師。第臨去不可無以持贈。出玉塔一座。置地。道士小其身。化爲蟻螿蟲。從塔頂入。甘君以劍斫塔。人與劍並爲塔所包。四面皆城垣。不識何門可出。聞牆外語曰。爾喇妖置吾使君何處。一人答曰。彼自在張許營中擊劍。走入煩惱城牆內耳。我何嘗算彼乎。甘君察牆外語聲。有若擴兒。大呼曰。吾祇隔一堵。小冠軍使何不手援。聞牆外答曰。使君速屏息伏地。甘君從之。恍若礮聲滿山。大水湧至。城卽崩頽。甘君轉從水際出。見擴兒立帳前。甘君以所見道士之事告擴兒。曰。吾在盤江橋渡口營中。矩兒兄以書來云。其婦璜兒知使君有喇啞喻之厄。吾奔斛斯侯大營。而使君已至此。喇妖之頭。非真頭也。卽纛旗之形。喇妖之塔。非真塔也。卽矛上之

刃吾自聞老師呼手伸五指作巨礮擊之以純陰破雜陰火盡水生而走此妖也甘君曰瑪師之鏡何人所掣耶獷兒曰卽喇妖也甘君曰吾將攻豔苗先遇庵前老人自稱之名三字與喇妖顛倒亦其人歟獷兒曰皆是也彼之分身一爲夢中餌鐵丸一爲老人變山溪一爲道士幻頭塔其本身掣瑪師鏡去將誘三人追鏡而復斬臂之仇耳使君盍還江橋渡口吾自協助三人甘君贊美曰小冠軍使智周羣物力載一天眞能與李真人媲美矣獷兒曰吾安敢比吾師譬諸孟氏之論吾方底于大吾師則聖也劉老師則神也敢相等倫哉遂辭去甘君乃請張許還其帳而自歸本營鍼師曰吾乃知化工之於人也不可思議屈蛇遇敵替斛斯之亡使君入圍受張許之困凡事之不能爲假借者皆非妙道矣甘君曰四人追鏡可得獲否鍼師曰鏡卽歸來惟天女難覓未幾瑪知古至五日而及于衡嶽一童子負鏡行砭師叱之童子化爲狗棄鏡而逃天女拾鏡授予一丐者呼曰莫欺吾兒以乞食瓦盆投

斫師傷其額。天女咒白練裙下。丐者被縛。又一老嫗號而至。含血噴丐者面。即遁去。斫師出一斧劈老嫗。變兩山石焉。歸途遇行道者三人。與予及斫師。天女各相似。子引鏡照似予者。乃一老猿。其兩人俱不能辨何偽物。予敲鏡與咒猿。彼亦持其僞鏡將敲矣。而予咒急。猿飄去無蹤。見兩斫師兩天女。或坐談。或起鬥。無不悉敵。因復迷七日。適樂王子亦變兩身入鬥。擒其僞天女。而僞斫師始入地走去。還至青苗故寨。天女謂予曰。鷲椰子嘗被我誅。其土戰之族。欲甘心也久矣。近又為喇妖指使。我當獨鬥之。斫師與樂王子亦勸天女曰。理合相助。數則無之。盤根錯節。乃別利器。願天女勉之也。故天女自去。予三人兩獻俘。一歸璧耳。語畢。先示其鏡。甘君曰。吾之不明。鏡無存而令吾師跋涉。僞天女若至。會訊其妖。鍼師曰。即喇啞喻耳。樂王子縛之而不能誅之。使君可陽與周旋。以俟其颺去。苟行鞭撻。禍及軍旅也。甘君是其言。斫師果同擴兒牽一人至。軍中皆作詫聲。樂般呼擴兒何得繫木蘭。有功者盡

解體矣。甘君曰：樂王何其腐也。真天女定不如是。化醇亦引二姬觀之。暗搖其手曰：古云黎邱奇鬼，詎不信歟。鼈兒曰：不類而類者，出海之精光，類而不類者，朝天之器宇。季孫蠲生亦笑。甘君親釋僞天女之縛，曰：喇師毀形，遣樂王子相邀至帳，何相犯也。豈謂喇師不能飛騰去耶。僞天女大喜，乃言曰：甘君真知我者，以我爲俘，且飛去之，以我爲客，不得不留也。甘君命設醴，獮兒曰：昔在蠶苗帳中，喇師以銅管吸諸生熟之味，宜多備其物，猶恐食不飽耳。僞天女笑曰：樂王子饒舌，吾本來面目，何嘗非老饕。今飾鄴仲離之相，鮫綃掩面，宜與飲酒賦詩。當他日公謙則可矣。甘君曰：善。遂呼慶喜、鼈兒與僞天女見，入座各賦一句。飲一卮。僞天女曰：此事當讓仲離先也。聯句書名云：環佩人何處，弓弣某在斯。學仙羞束縛，仲離與客鬥恢奇。迹詭隨鴉鳳，喜心誠搏兔。獅遣偵相問訊，鼎加繫自扶持。咒詛防爲幻，世治牢籠示不疑。主歌將進酒，狷朋媿未工。辭謬賦從軍木，季孫因宗注水鄴。容光留玉鏡，醇化神采

動金支。舊業麒麟著。砭新聲鸚鵡知。依稀家海宇。鉞髻髯化天池。吐納今

良將。知古陶鎔被淑姬。傳芬真有骨。般繡像豈無絲。山鬼勞提耳。鬘兒門徒問

畫眉。維駒憐汗血。離仲刻鵠病凝脂。獨去曾搔首。喜重來又解頤。筍雖藏雉

子。鼎鑊已獲虵。鑿柳葉看頻蹙。治世蓮花拱大慈。矜生階下虜。猶駭絕帳中

兒。霧鬚縱橫掃。季孫雲裳左右垂。朦朧呼月姊。化蕩漾見風姨。笑我同逃墨

砭。嗔君異守雌。甯愁逢女魃。鉞聊喜謁吾師。賭戰嘗投憤。知古論功竟裹尸。

變能如虎豹。般騰欲借蛟螭。易地羣靈護。鬘分形一氣施。共誰誇狡獪。離仲

只我試推移。喜

是夕僞天女。懽甚携鉞砭二師之手。曰：當時兩君半化爲鱗介。今則吾一身

盡化爲龍矣。足相償否。獷兒曰：龍可爲也。女不可言也。衆皆笑。樂般以目視

而暗責之。慶喜曰：果是天女。吾方與狎。若爲喇國師也。靈王宮中。夜半相晤

時。惟恐失吾於陽臺之下。初不圖今日得以男女雜坐。觴詠言懽矣。人生會

合何可預期。僞天女不能笑。亦不能怒。但曰在甘君筵上。能使人之意也消矣。返思昔者。龍性未馴。因而喪其鬼臂。其錯可勝鐵鑄哉。瑪知古曰。知古所不知者。童子而狗耶。丐者及老嫗耶。老猿及僞砭師耶。其名至繁。其數至賾。將以一爲神。而神難窮。以兩爲化。而化不易達。願以示之。僞天女曰。凡積妄之功用。在神化之表。吾之爲僧掣鏡。妄之盛。吾之爲老人爲山爲溪。妄之衰。爲童子與狗。妄之塞。爲丐及媪爲猿及砭師。妄之通。爲今天女身。則貫乎妄之始終。其行其止。我自不能知之。何怪乎瑪師之不知也。明化醇謂鬣兒曰。亡女是之謂妄。故吾不欲棄婦人。樂般曰。一兄之爲三尸神。害不自以爲无妄歟。鍼砭二師曰。金石無故而思點化之。千古妄之宗門也。喇師說法。正如天女散花。無花之非法矣。蠟生語季孫曰。僕鑽研大易。垂三十年。今而知誠。閔復妄亦無不復也。鬣兒曰。自吾觀之。吾師不歸爲妄。今喇師代之歸。爲妄之復耳。僞天女撫掌曰。茲之講易。比智鏐弟子之談禪也。何如。化醇夫婦皆

曰。剛上人之多欲。誠不足以及其師。衆又笑。甘君曰。奉教之深者。殆無如僕。鐵丸之鍊心。玉塔之鍊形。彼無識者。鮮不視爲寇讎。又烏知式飲式食。爲好我嘉賓也。慶喜呼獷兒曰。使君方樂。兒其進一卮於喇國師。甘君曰。我小冠軍使。固樂王子也。而若安得子之。般曰。在青氣帳中。曾有阿母之目。修羅少主。噩王夫人。不亦尊乎。僞天女曰。此樂王父子。獻媚於宮闈。間我域外人也。我敢怨耶。於是獷兒酌酒曰。以阿母之命。爲使君致慶。爲喇師壓驚。僞天女一飲而盡。亦遍酌諸坐客曰。龍木蘭不在。吾代之行酒。衆大笑。興盡而散。

悟徹真元孰可當。

每因精進却旁皇。

千年無事令威鶴。

竟夕有言公路羊。

道是神斤隨鬼斧。

境如陣馬遇風樁。

自來裂破三生石。

不路人間假借塲。

新野叟曝言卷十三終

新野叟曝言 卷十四

地下新船載甲

乘風去也。須尋太乙之船。入地求之。不殉仲任之穴。振柁於須彌山下。始可通天。戢干自星宿海中。無非報國。

明日矩兒夫婦還帳。呼甘君曰。獺蠻雖衆而無紀律。兒輩破之。不啻摧枯拉朽耳。聞木蘭困於烏蠻江。土獸之窟。兒婦將往救。特歸稟命甘君曰。土獸亦喇師所使。今喇師在營中。吾當夤緣彼。俾爲天女解鈴。化醇來曰。眞天女幾時歸來。假木蘭一夜遁去。且喜員少夫人從小軍使還。而不與昨日之詩會。如其與之。視夫酉陽營中八人之聯七言。前後較風韻。又未知孰勝矣。甘君曰。喇啞噏想仍往烏蠻江。導土獸敵天女也。兒與婦速援之。矩兒偕璜兒去。途中語璜兒云。救阿姊。願可遲遲行耶。以剩錦鋪地。夫婦乘之。見木蘭坐穴中。如木偶而不言。夫婦下穴中。齊呼曰。姊安禪耶。木蘭亦不答。就視之。眞土

偶也。璜兒引鍼刺其兩腕。土破而白水出。矩兒曰。汝之鍼殊不著癢。不如我引椎碎其首。璜兒曰。姊純木之精。反爲土掩。鍼則及木之脈。椎特傷土之皮耳。白水出盡。木蘭始呻吟起曰。矩兒弟以妹來援乎。姊殆盡矣。璜兒扶持曰。姊何爲其困也。木蘭曰。我來戰土獸。已敗其三十三。蠶椰子之魂。以一化五。吐黃塵萬斛。糝我一髮。迷我之胸。遂無力奮飛。塊然其形。有若死土。今其魂伏土中。弟與婦掘得五丹雉。焚之。則此魂散也。喇啞噏來鬪。吾三人何足餒哉。矩兒以椎鑿地。聞啾啾聲。五雉飛出。逕撲矩兒。烟焰蔽目。椎不能施。璜兒出紅絲十丈。拋烟際。五雉皆被執。吐丹穴火。灼之卽死。一長物如常山。率然而首尾混混。不可識。繞匝木蘭三人。璜兒令矩兒立其肩。木蘭又上之。引絲成巨絙。相與貴串。呼木蘭曰。姊其挺身上舉。吾與郎君繼長增高也。三人層累。聯至尋丈。竟冲霄去。長物自脫其圍。絲倏化爲巨蜥。蜥下跳。嚼長物。截之得數十節。皆如斷虹之橫飛。聞有人語曰。以豎破橫。月窟中第一義也。吾安

能勝彼耶。三人下地。木蘭曰。妹之妙理超然。不落空幻。宜乎喇妖之嘆服也。遂俱還。木蘭以瓚兒之術告甘君。瑪知古問于砭鍼二師曰。長物何形色也。答曰。造化小兒。先天而生。是有無極之臍帶。橫之可以束八埏。藏於混沌之窟。厥名地絡。喇妖竊之。如伯鯨之盜息壤矣。瓚兒曰。嫂之堅義。絲聯神貫。上徹元宰。下窮谷神。非胸無成竹。枝節而爲之者也。絲之爲言思。是能穿穴事事物物。一以貫之者耶。化醇撫掌曰。然乎。其不然乎。甘君命嚙生筮。靈蔡兩苗。先從何處下手。得頤之初九曰。舍爾靈龜。嚙生曰。蔡小武。卽靈龜也。似宜舍蔡而取靈耳。又筮劉老師曾否解莊驕鬼兵之圍。得渙之六四曰。渙有邱。匪夷所思。樂般曰。老師爲元海。雖邱陵不足爲其渙散焉。鬼兵本西南夷。則老師已出其不意而走敗之也。瓚兒進曰。智鏐富滅兒夫婦自鬥之。木蘭曰。此行也。乃不可無我。甘君許之。三人自去。牂牁江靈苗寨中。索剛上人戰。靈知矩兒之勇。木蘭之神。驚怖不可爲也。問前臥病之剛和尚能相見否。左右

奔告于剛。不逾時剛扶筇而至。盡曰：上人之神通。寨中所知也。吾以言語小齟齬。致上人養疴草廬。吾之昏愚。亦何足較。誠見漢將無知。因人之困而伐之。恃已之能而逞之。將甘心于上人也。吾安得無恨耶。剛投筇而起曰：始固以大王不棄納耳。于今益信。衲忘其病矣。且遂其懷矣。呼男獮善變化者三十六人。隨之出戰。剛出曰：何物。擲伸離。不亡于五雉。就寂于一僧。僧之禪柄。爲爾所戕。僧之法軀。待爾而復。爾能代女弟子之役。僧固將擒爾。以當謝娘也。木蘭怒。放盒中雀啄剛頭腦。剛喝男獮曰：

不變不變。我佛舍利空中現。亦變亦變。絳羅飛上通明殿。

三十六人。各以其能變爲象爲牛爲羊爲狐狸爲刺猯爲馬絆。圍木蘭于其中。矩兒橫兩椎八面攻擊。剛出一物如敵。嚼矩兒。無如銅鐵之質。木虎不能損也。椎中剛腹。立倒地。矩兒將再擊之。木蘭在圍中呼曰：弟勿前。剛和尙多詐耳。矩兒不及抽身。剛腹中長兩巨爪。鋒稜畢露。擊矩兒之身。此時雖萬人

敵百夫防。不足以脫其拘攣矣。璜兒自其帶間解一玉佩。內方外圓。裏兩爪。及剛腹。鉅兒自出。視剛之腹。乃敗鼓也。爪爲二槌。然剛爲佩所制。如繩之在錢孔中。不腐爛不能出也。木蘭出紅色玻璃管幌之。長五尺。中洒木屑。著牛羊狐狸。則皮肉皆潰敗以死。惟象不受創。乃糝屑于其鼻。亦伏地不能起矣。刺猬毛自裂。馬絆促縮化爲涎。男獠盡誅。璜兒就地取佩。覺重不易舉。內方之孔已塞。疑剛被攝矣。忽有小人數十如海鳥所吞者。拍手而歌曰。

白非白。黑非黑。赤非赤。大道之宗。眞元所積。吾師之鏐。破汝玉石。

歌畢。羣小人凝合爲一剛上人。璜兒視其佩已變土色。觸手卽碎云。鉅兒呼曰。剛和尚不死。吾不得生。飛上其肩。剛負之以登天。天際來一道士。乃劉老師也。指剛而咒曰。

咄爾何物。敢爲星官賊。不許青天登。要令黃壤滅。爾不知我不說。上下四旁歸大極。

出一孟覆剛。化黑氣縷縷。不絕將盡矣。一人自孟內跳舞而出。爲喇啞噏。笑曰。劉元海且勿狂逞也。吾猶未死而忍見其弟子先亡乎。睜鬼眼視矩兒。卽昏盹。璜兒詈曰。鬼臂已斷。人心將亡。汝目誠凶。我神則吉。卽呼天神出。三指爲金螬食。喇啞噏且盡。忽聞墓腹中有女子吟曰。

月中之人吾識爾。入日卽生入月死。人人有月爾不知。恩仇環轉隨須彌。

其墓自跳躍腹裂而死。璜兒大驚。劉老師呼木蘭。矩兒夫婦亟登剩錦去。吾自敵喇妖。三人從之遁歸。劉呼喇曰。噫。嘻。青氣之無成。智鏐之欲化。子所知也。何乃刻劃幽態。嗜嘯秘精。汨乎沕穆之天。紛若矯誣之氣。爲仙佛之羞。以狗爲虎畫。當鬚倫之數。如蟻亂牛聲。惜其紺髮將灰。青瞳欲木。數帚棲于魔界。程長赴乎鬼泉。恐辟支果遂少傳宗。忉利天曾無絕業也。喇合掌答曰。吾主元會之玷。理恒沙之文。噩雖小草。爲無灾無害之根。茲鏐卽餘明。乃至大

至剛之光景。窮蠻無君長而助靈以存其真。俗初無子孫而假鏐以樹其表。豈徒佛圖之依石。羅什之附姚。羸得時名。宏于梵教。是爲競競已哉。若子舍其北幽。行乎南紀。道履所跡。賊弧之神。玉樞所關。螳斧之用。其于太清何有。直以中滿而虧。以至有徒若林。臧侏儒爲之最。謁帥于慕。柳盜跖卽其流。奪星辰歸次之權。將見惡于司命。殘釋子守株之理。徒興悲于寺人。尙欲恃其已滅之亡王。驕我方輿之教主。試言大小乘以究正餘方。子當出吾之勝。吾可服子之膺矣。劉自執喇手旁引曲喩。誘之來歸曰。凡有智慧。我與爾權之。凡有神通。吾與爾研之。喇頗心折。遂相將坐磐石。縱橫跌宕。各暢其尊聞。一紫髯叟從遠山下迤邐來前。兩人揖與坐。問叟姓名。答曰。野人愛爲長短謠。請賦其所自。

仙人苦日長。青鬢忽焉蒼。問仙何亦老。聽其詞轉傷。循蜚疏仡以前罔。甲子其間衆庶旣生卽不死。後來帝王壽以百十期。一人兩世合壽乃有彭。

篋與李耳。蜉蝣大笑人如菌。卽菌亦似非常人。亭亭蓋影不扶直。視爾依人作計。惟有長太息。我年十五餘。初學劍與書。書劍不足以助赤伏符。棄之海上。卜居傍鷓鴣。桐廬老子一朝出塵世。二十八人功名做。歷棄吾家女。夔古徽音。瑟友空隨銅馬帝。祇今黃屋爲墟。黃土焦。勸君不須淚。漬鮫人綃。但令學仙不成。便埋我。勝于百年過眼飛石火。學仙本無名。知其說者。陰長生。盍酌長生以彼三歲酒。招要八埏酒人來試談天口。

歌畢。劉老師曰。嘗聞陰皇后之弟長生。入山求道。乃美少年。今何爲而美髯且紫色也。叟笑曰。以二君有蝸角之爭。第爲嫵媚本色以諧之。猶恐少長于君。而被君輕。其言不足重也。故爲鬚髯如戟之狀。將效仲連之排解耳。喇啞喻曰。我輩苦無讓法。豈有爭法。叟曰。唐虞以讓。不至于爭。湯武之爭。何慙于讓。後此亦祇計爭耳。爲讓之說者。非迫于時勢。則僞而已。但爭而無法。其弊也。芬。劉曰。吾猶恐排解之事越多。而爭端迭起矣。漢唐以來。厥有黨禍。未必

不由于曲爲調停之人。未得其當。若不調停而各持一是。俗稱三教。究何所妨。斯魯先生之排解。亦有善有不善也。叟曰。夫吾將排披猖之難。解齷齪之紛。二君皆獲至道。各立厓岸。于一二妙諦。俱有所發明。而碧落黃泉之際。所見皆機事。機心。南箕北斗之間。相遭盡客形客感。悲夫。帝釋之氣。震蕩天宮。共工之頭。擢頽山石。雙林咄咄。雷雨滿乎四天。十笏斷斷。穰饑生乎中土。奉身而戴天軸。置足而牽地維。人龍之呼吸通靈。卉犬之招邀以族。然則執干戚而舞。其傷實多。責蛟螭之詞。相報無已。君其能靖者歟。僕亦何嗟及矣。于是劉殊養養。唼若茫茫。合詞曰。亦欲有云。不知所匿。請從此分攜耳。叟大喜。出瓦壺斟白酒自飲。並酌二君。以土樽二器曰。此冰天小槽釀也。劉嚙一樽。卽醉。唼連飲四五樽。酒空不醉。叟驚曰。醉者自然。否則圖反矣。唼果擲瓦壺于空。其身遂不見。叟呼之。壺中語曰。陰長生將囚我于壺矣。我故去之。叟謂劉曰。惜哉。唼君。歷劫將盡。而自鋌于頑。隄蔽秋毫。不歸于極。他日冶鑄之功。

非汝師不能爲矣。卽藏其土樽而去。劉還甘君營幕中人俱慶老師復從天上至。木蘭問曰。喇與剛其滅乎。劉曰。未也。彼師弟之道。一成不變。亦未易云亡。蓋不容並立者。理之直。相與存亡者。氣之橫。其徒不能速化。亦猶之吾黨不能遽神也。道德之致殊窮而同盡焉。甘君問曰。老師迎擊莊躡鬼兵之事。可得聞乎。劉曰。躡與故竹王爭鬼方舊壤。陳兵夜郎東境。故智鏐得而說之。及吾至故竹王師來謁。授以竹竿破舸之術。躡之戈船。隻槳片帆無存者。所謂因利乘便耳。甘君曰。聞此師徒教蔡小武遁甲。縱掠盤江。正弟子鼎欲討之賊。乃輒向老師求助耶。劉曰。吾何嘗不知以竹王之師走死莊躡。可得而言。以其師之徒賣生小武。不可得而測也。砭鍼二師曰。善奕者用死碁。善醫者用反藥。其是之謂歟。甘君方問劉老師以破紅苗之策。忽朝廷使者至。宣詔書云。

黔撫區星奏苗中事。悉爾甘鼎集將帥之長。以敵王愾兼神仙之力。而靖

妖氛才高二士而不嫉其功。譽接三明而魔矜千衆。有臣如是。誰與易之。昔道路所傳。若爲師貞之累。臺垣之議。殊以戰勝而苛。今者素心夙純。涅之益白。剛氣常奮。挫得其柔。朕方定訐謔。載基宥密。而柔遠侯貴捷書踵至。薦贖薪來。喜不欲言。愛而思覲。自此南方軍旅。責爾有成。若宵衣而忘曳其裾。旰食而忽亡其箸。朕何患焉。仍復爾鼎前職。節制二路。斧鉞征討。如其官貴。可視師東甌。尅日易旗。蠡均宜勤能。以荷寵錫。

于是劉老師起爲甘君賀。羣幕士隨之。木蘭進曰。斛斯侯將有事于閩。我當往助之。未幾斛斯貴。至以總帥印納還甘君。甘曰。天女酈仲離。願與侯縛水底之靈。收域中之孽。風雲在握。闔闢因心。其旅邀于帝廷。厥功溯自星渚矣。貴曰。果爾相援。訖乎有濟。雖瘴江救死。恩未云酬。而煙海宣勞。國將致慶。惟有鼓吹而榮勳。伐馨香以祝天人。自問何修。相期不朽而已。卽向木蘭拜。並請行期。木蘭曰。侯當先發。仲離且與諸征人作數日別也。貴又謝劉老師曰。

返魂自天致命何地。願聞休咎之徵。吉凶之動。劉曰。但尋梅花莊子。摘取半個葫蘆。徵曰。休也。動生吉也。貴不獲了了。緘二師及瑪知古爭爲侯慶。甘君亦賀曰。老師隱括之言。隨數皆驗。鼎在此間。側耳好音矣。侯復請曰。桑從事爲閩諸生。海上形勢。晰如指上紋。探若壁中影。乞同閩事集膚功。何如。甘君曰。以天下之才。衡四征之用。侯能廣衆益。鼎敢蔽一賢哉。蠲生亦慨然自任。如遇甘君之初。遂攜其揣摩書數卷。揀著草五十莖。尅日辭甘君與斛斯侯往。司馬季孫明化醇咸與涕別。鄔郁報李節使至。甘君迎出。李曰。適使命到營。僕調入閩督將赴之。甘君曰。詔書謂鼎復總帥任。不知閣下移節也。李出詔書示之云。

爾臣舜佐世篤忠貞。受予眷顧。旆常紀績。非止一端。茲雞籠城不靖。海上之烈。則有斛斯貴奮其英勇以滅番人。其糗糧舟楫。雖有余述祖運籌。顧泉州門戶及水陸諸路武臣。不可無人焉。總理之。爲全閩靜鎮也。年月日

付樞密院由驛馳寄

甘君曰。閣下始由世臣弓冶。授橫海將軍。繼以雄鎮節旄。作太平宰相。屢傷垂翅。終得出頭。行天討于河滸。悚民譽于江漢。徒以李贊皇品水。趙學究多金。爲聖主所疑。讒人置喙。然大范老子。豈真元昊能欺。漢飛將軍。畢竟匈奴畏服。此行也。常則爲太傅之奕。諸將不驚。變則爲臨淮之刀。大臣無辱。鼎不敢情牽別袂。固將望切歸旌耳。李再拜曰。僕戰陣無勇。闔外羞言。今則義傑斯侯。翦滅之功。協東海君撫綏之烈。以報君恩于請室。歸羈骨于山邱。是所禱也。甘君見其詞意淒惻。亦苦語酬之。既送李節使。問劉老師曰。李君有慘色。何也。劉曰。似非佳兆。甘君曰。死王事乎。劉曰。此老雖百千兵刃。無以加其頸。而制其命。第於刑不及。論賞繼之。蓋其性爲金。而火不能鑠。其形爲火。而水不能澆。其前修乃奎宿主武庫者也。命危于狼臙之國。已過十年。意盡于鹿耳之門。將奄一夕。或如苟偃之生瘍。范增之發背。人思大樹。星圻中台耳。

甘君自與鐵砭二師商破噩苗之策。沙明進帳曰。滇兵來援。爲獠蠻所攻。蔡小武自引瀉老沫老綱山人。緬山人。列陣盤江南北。杜承瓊慕煒遣飛騎告急。將奈何。甘君命矩兒與璜兒先行。諸將分五路進。伏橋渡口三處。搗蚌苗大寨一處。截小武歸路一處。砭師曰。小武未易滅也。惟擒其被囚之假父。以牽制之。乃可以收噩青氣。甘君謂木蘭曰。天女將赴閩海。不忍無留別物也。請執蟒吼。木蘭笑曰。取此老鹿。如牢中豕耳。敢或失諸。以驚兒魔。始兩女弟子往。時矩兒夫婦率親兵二百人。徑與小武戰。獠蠻分四陣以出。璜兒謂矩兒曰。小武以竹王師之徒。演遁甲。鎔八門而爲四。其道以休生傷杜并入。景死驚開。汝當其二門。吾當其二門。小武可破也。于是矩兒橫兩椎入景死門。瀉老沫老出敵。皆曰。文星何爲。亦與塵世事。矩兒答曰。以父母之命。解國家之憂。安得不執干戈。禦魘魅乎。瀉老沫老曰。何乃刻劃二老也。奮勇鬥。矩兒以天孫剩錦裹之。各遁去。還視璜兒。方入驚開門。與綱山人。緬山人。人力戰。則

己出其貫串之巨綆。縛二人矣。二人乃復其魍魎之形。走入四山。不可擒捉也。小武自引獐蠻三百接戰。矩兒棄兩椎。飛彈丸數十枚。擊走百人。璜兒出虹練二縛。二百人皆不得遁。矩兒就視之。皆牝鹿也。束之以獻甘君。小武怒曰。么麼小兒女。輒敢橫行于蔡王之前耶。遂自演一陣。名曰獨遁。乃神明于消納之法者。又非漓老沫老綱山人。繡山人所傳。其術不用一獐蠻。以死鹿皮爲之。一皮藏三。三皮藏五。五皮藏七。七皮藏九。共演八十一之數。空花滿目。實則一鹿皮懸于腰間耳。璜兒擲金蟆皮。二才小于掌。二生四。四生六。六生八。八生十。揭其藏而盡吞之。如鄭人之發蕉鹿也。小武大驚。矩兒投以剩錦。小武復用引伸法。呼其鼻祖元緒者三。空際濕濛爲大池。一龜游其中。吐珠沫于水。成無數小龜。錦不能裹小武之身。龜且欲沒矩兒之頂。璜兒度不可勝。急以虹練縛其渠龜。小者悉走。矩兒笑曰。是可以授醫氏。并前所得鹿爲二仙膠矣。其渠龜大言曰。吾爲元老來援蔡氏雲孫。君非豫且。何能鑽我。

尾曳去之。小武亦單騎逃歸。其伏橋渡口者。爲張許兩都督。緘砭二師以術佐之。麤蠻之死者相枕藉也。木蘭以輕騎百人入蚌吼寨。蚌方脫于桎梏。與數蠻婦飲。歌曰。

此間兮何不樂。恣縱橫兮誰束縛。美人兮蠻妝。酌醖醢兮夜未央。有胡琴兮。勿弄。樂人兮花心動。惜子婦之被誅兮。吾心將轉兮。鞭轡。愍小子之列陣兮。殆全師兮。沒乎兵刃。吾守吾之老陽兮。與少陰而徜徉。

鬻兒廩。始謂木蘭曰。淫鹿無恥。爲醉酒婦人之懽。吾師且無前。待兩弟子之力擒之也。二女突呼曰。蚌吼死無日矣。各出裙帶繫蚌頸。蚌笑曰。以爾之凹肉。夾我之凸肉。我自就繫。不然。其能束手乎。遂以頭觸二女。裙帶已解。將斯奔焉。木蘭以鹿啣草餌之。蚌復其形爲白鹿。臥地不復起。女師弟縛之以歸。甘君訝曰。黃苗非白鹿也。得毋幻耶。木蘭曰。聞之樂王曰。黃苗之先。乃死鹿。瘞白茅下。經歲復活。配于水精。是孕羣鹿。今蚌雖老。不死。可遣使貢于上苑。

全其天年。甘君曰：若令天子悅之而繫以銅牌，永爲國壽，亦如鳳麟之在郊。藪龜龍之在宮沼，天所鍾靈，世之祥瑞矣。前歸我牝鹿二百，一夕俱死，則又何歟。木蘭曰：樂王又云：女鹿多夭，男鹿多壽。博物君子之言，無勿驗也。甘君揖諸幕客與木蘭言別。木蘭曰：仲離遠行，諸君以何爲贈？皆答曰：匪詞勿達。願司其聲。于是司馬季孫明化醇聯四言云：

天風吹襟，我容干邁。季孫言念往誼，同人嘆喟。醇德盛三，無功崇兩戒。季

能照燭，算若陳卦。化醇每以雷霆而驚韓贖。孫上酬明聖，旁討靈怪。化醇天荒

日開，鬼病宵瘥。季孫鳳臺匪登，麟閣宜晝。醇宵矣長征，悽焉出話。季孫所悲聚

散，勿慮成敗。化醇會掃鯨鯢，如搔癬疥。孫自來神人，不尙狡獪。化醇赤羽曠多

白波斬快。季孫勳名既成，姓氏不挂。醇沙在恒河，星懸卜界。季孫期君努力，寢

食蜂蠆。化醇翼彼贊皇，金甌勿壞。孫國家宣勞，我其下拜。化醇

木蘭謝曰：兩叅軍獎勵之詞，所不敢當，亦惟矢勿諼而已。樂般曰：吾父子豈

無以頌天女也。遂與獫兒聯五字云。

自昔豎降旗。一朝見神女。般謝娘忽已逝。明子亦爲侶。治世心香兩活之。倡

隨得其所。般競病韻同拈。千喁懽共語。治世老夫蛙在井。不識鴻飛渚。般小

子閱征誅。始得商出處。治世何當聖凡問。不隔此心許。般乾虢若霞來。軒軒

獨霞舉。治世能憫愚黷。間或隨爾汝。般有氣上通天。有才下整旅。治世新旌

指八閩。故壘辭三楚。般相望以鸞鶴。所思寄臺榭。治世

矩兒夫婦共擊一觥。酌木蘭而歌詩曰。

涇陽小龍棄其首。謂龍芝我姊倉皇向西走。是年入蜀縱橫庸蜀羗髻間。楚楚出奇

制勝無不有。料敵乃有吾阿翁。與姊相於臂使手。晉代終能重天女。漢家

誓不戮功狗。遂見驚才動鬼神。更無餘事讓僚友。小弟平生倚親串。寡妻

身世來星斗。同爲阿姊提挈人。石爛海枯心不朽。一朝分攜去閩海。狎列

江頭折楊柳。兒女情懷兩兩無。乾坤勳業時時有。金翠光華出風雲。百年

試盡一樽酒。不然兵戈滿塵海。天關崔嵬孰與守。

木蘭飲畢。諸人爭欲以詩侑酒。木蘭辭曰。仲離于此時。詩既不能爲和。酒亦未敢相酬。公等休矣。當與阿修羅愛主及兩小徒作竟夕談也。于是諸人退舍。甘君自向劉老師求破盃青氣韜略。木蘭入慶喜之房。呼鬻兒魔始至。汕妮亦列坐焉。慶喜曰。自爲天女所降。擬常奉乎巾櫛。何意帝臣之徒。悲別起之戈鋌。他時能念故人。寄以扶桑之木。異地如逢居士。求其般若之船。木蘭曰。主前身作佛。後果爲仙。視仰離之頭低上天。手沐令雨。時爲介者之拜。終隔化人之裾。魚鹿無端。夔蛇有迹者。未可同年而語。易地皆然矣。鬻兒魔始合詞曰。巾櫛相隨。師資未敢忘也。餘腥獨去。客路能無感歎。請終侍絳帷。同遊碧海。庶幾憐而教之耳。木蘭曰。吾誠不願獨翻罔兩之波。自辨支祈之貌。二女弟雙攜珠佩。齊舞花槍。贊我大勳。施其高義。豈不願焉。汕妮曰。某自隨阿婆。盼捷書。賀還帥矣。于是木蘭辭慶喜婦姑出。率鬻兒魔始拜別劉老師。

及甘君鍼砭二師。劉老師曰：此行不惡。斛斯成大名。天女留遺像。勉之二師。曰：閩盜爲害誠劇。諸君收功不勞。嗣後斬木揭竿之魂。所在蠶起。更煩聖慮。驅策勳臣。裹尸之將軍。以時致命而已。甘君曰：黔事有不了者。以待天女可乎。木蘭師徒唯而去。行入江西界。見糧艘無數。運往閩中。乃是吳越楚蜀產米之區。所濟軍食。滕王閣下。戈船若林。則遠近所調兵卒。及甲冑器械。豫章齋。奔走喘急。官吏招呼。唯恐不逮。而持戟門羽檄武夫。接踵相促者。無停晷也。木蘭就蜀船呼一糧官問曰：汝何姓名。船儲幾十萬石。答曰：某七門郡丞。高岷運六十萬石。餘四十萬。責成九姓土官。木蘭曰：廷制二千石以上。官充總運使。何職不副事耶。答曰：先以戎州太守方君充此。因方篤閨房。重離別。大府糾其貽憂軍食。戍青海邊。某所治土司急公自効。始以某統之。而分兩進也。又問楚船。其糧官江合漢。方與幕客陳三臺爲葉子戲。木蘭曰：軍國之事。若此其亟。乃不爲唱籌而爲點籌。何其暇也。三臺出對曰：某佐江使君。

輸糧百二十萬。需二十四大舫。今倉卒呼載。將及五十餘舟。而蒿師舵長。肝膽不齊。齒牙互抵。使君無策馭之。某告以羊曇賭墅之風。與葉公子遊。一縱一橫。稍愜于志。亦正如長年三老。白晝攤錢。不得已于高浪中矣。吳越諸糧官。以次勞問。皆陳其濤怒風惡。乞靈陽侯之悃。木蘭袖出一圖。詭如龍樓。衆象幽闕。噓氣叱之。化一爲五。分授其首船。曰。此物鎮溪壑。吾與諸部作馬當湖神威。不亦可乎。噲口作風聲。諸糧艘一夕皆發。其甲兵尙無舟載。各省將士向木蘭籲呼曰。兵待食宜也。食待兵可乎。女將軍能使風神護儲胥。前進而數萬人之軍裝。數十營之火器。以及餘丁雜械。需船大小。動以百計。嘆此邦官吏。竟日空談。連宵束手。如何如何。君徒濟食而不惠兵。國家事終無所賴矣。詞畢泣涕崩角。木蘭顧兩弟子曰。誠不忍也。然吾又何能化數十百蓮葉船。以載甲士乎。鸞兒魔始進言曰。昔吾師誕降。由甲子城中央古井。則下穿溟滓。猶之上關鴻濛。久矣自壤及泉。爲遊神息影之區也。試探淵源以

謀匡濟。何如。木蘭忖曰。吾憶劉老師云。入地下。浮中海。是海包乎地矣。向東海呼曰。父母其鑒予哉。破天龍之百人安在哉。有頃百人飛集雲際。禮木蘭曰。天女役使部人。非將駕羣戰艦載入閩官兵乎。木蘭曰。既知之。船棹何所。百人答曰。滅火真人先三日鍊戈船五百。授黃字符十紙。命部人呈天女也。木蘭索符觀之。紙黑色而符金畫。凡符首皆戴雲。此獨戴土。真秘授矣。其第十符之後。粘一蠟封。中梵字十數行。木蘭譯之。乃滅火真人手書。並咒五百船真言也。書內云。

仲離近與吾弟子世治得劉老師大渾薪傳。中明蜜果。于以刑暴取凶。轉艱難之運。曾奮庸揚烈。彌破碎之綱維。君等若謂無成人間惡乎。底定吾得道在前。生天居後。亦當告于千佛場。讓出一頭地矣。甘使君釣蔡弋。靈有兼吞之量。無兩伐之謀。雖仙師道友。魔女神童。輔翊左右。未得遂志者。天抑其絕世之高標。人苛以非時之卑論。卽進卽退。彌可彌難。此用晦之

交。非俟休之際。酒星有奕。奎耀將沉。然縛孫恩。惟仲離是倚。平張魯。非世治無功。一在島中。一由隴首。其才其地。帝所持衡尺也。吾所鍊戈船。祇用廣南五鐵粟木。一木造百船。遣公輸般。十二代裔孫。編爲之。但燒一符。卽可得五十船。須以三更人靜。集兵甲百花洲上。禁火礮聲。登舟隨渡。將士不飲不食。無喜無懼。五晝夜。達閩泉州。其燒符迎船咒云。

顛漩連漩。牽眼纏箭。魏研魏燕。黃魏現。壑魏變。水魏濺。噫噓嘻噫噓。千船千綫。綫緣千劍。千劍萬綫。億船便。

至閩。兵甲過船渡海後。尙有送船咒。亦以靜夜施行云。

脰湊肘湊。求收收。邶走邶。侯歲邶。逗月邶。遛日邶。就古里魯。魯里古。九鈎九口。口扣九手。九手百口。一鈎透。

木蘭命鬘兒。魔始傳語。各省將士。以今夕三更來會。百花洲上。無悞時。其火礮諸器。重疊包裹。將士咸出誓曰。所不聽女將軍號令者。願受誅無悔。及三

吏木蘭如滅火真人教。燒一符五十船出。十呪畢而五百船裝載之兵將俱入篷牕。挂帆席焉。蠶兒魔始各轄二百五十船。雲際之百人自去。木蘭自飛行至泉州以待諸載。是時舟行地中。晝而見星。夜惟望月。可無飢渴矣。魔始謂蠶兒曰。凡人能賦海矣。未必能賦地中之海。能賦舟矣。未必能賦世外之舟。姊其特著不經。明徵无妄。不亦可乎。蠶兒曰。試爲之。卽吟云。

腐儒努目辨方隅。對渾天儀不能量。郭璞木華賦江海。見其大者差神王。冥搜五色鏡八垠。不律怒摹真宰狀。雞穀元黃未分際。豈無靈明契爲匠。烟雲見見隨杳冥。蹄跡無無得幽暢。渾沌鑿鑿大空出。乾坤草亭罨四望。不定初非兩戒山。無邊亦異恒河浪。非仙非鬼非佛祖。剗木自作先天舫。恐是渡津筏夙緣。休疑貫月棹新樣。熊羆虎貔納芥子。一笑長平同日葬。伏甲元從尺土中。乘風反出四天上。勗哉我士各鼓舞。大覺俄焉出海藏。魔始嘆絕。自叩舷歌之。將士皆忻然曰。此微妙音。殊不似人間權歌也。忽聞

木蘭厓上呼曰。弟子來乎。鬻兒魔始齊答曰。諾。以五百船出地中。則已達泉州。李節使方與少司馬余君調兵食矣。木蘭告以諸路兵船咸集。李節使指木蘭謂余君曰。此粵中天女也。微彼之力。兵神速不及此。余君感謝木蘭。命偕入帳中。適解斯侯遣使徵兵。木蘭乃辭。二公以兵甲過船渡海也。

要將天地返清靈。

繪得山川入錦屏。

鞏固金甌元有數。

驚疑木鐸竟無靈。

若非檣楫來空闊。

未必烽烟息障亭。

寄與數君憂社稷。

蒼生不賴少微星。

新野叟曝言卷十四終

新三國志 初二編編編三 每編 洋二角半

新聊齋 初二編編編三 每編 洋二角半

新西遊記 二冊 洋五角

新石頭記 二冊 洋四角

新官場笑話之二 二冊 洋五角

新野叟曝言 六冊 洋一元二角

新笑林廣記 一冊 洋二角半

一冊 洋二角半

一冊 洋六角

女滑頭之二 二冊 洋六角

新意外緣 一冊 洋二角半

革命鬼現行記 二冊 洋三角

新兒女英雄 二冊 洋四角半

金鳳 初二編編 二冊 洋六角

新今古奇觀 二冊 洋五角

新官風流案之二 二冊 洋四角半

海上新繁華夢 五集即出 洋

小說進步社出版